

الرشاد

س ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ح . اشرف اربیب

طورا بیه جک بر صبره مالک اولسه یدی هم نفسی، هم ده قومی اولدیرن بوسفیل حرص ایله، بومهلک خسته لق ایله معلول اولمازدی. بر مسرف اذواق بهیمیه سی اوغرنده بر چوق پاره لر هدر ایدر؛ برهوسنه مغلوب آدم محرماتک ایچنه طالار. هر ایکسینک ماملکی بیت، حالی فالشیر. عزتی ذلته، ثروتی سفالته انقلاب ایدر که بونلرک کافه سی هوسسات نفسانییه قاشی صبر ایدمه مکدن بشقه بر سبب تحتده دکلدر.

شیمدی، فضائل انسانییه ده برر برر کوزدن کچیره جک اولسه قینه صبره واریرز.

آرتق موقعی بوقدر یوکسک اولان برخصلت کتب اللهده بالخاصه ذکر اولمغه لایق دکلدر؟

«حق» علمک مدار کالی، اطمینانک مابه القراری، عقلک باعث یقینی اولدینی کبی «صبر» ده فضائلک یکانه جاذبی، رذائلک یکانه دافعی، صالحات اعمالک یکانه مدافعیدر.

اصحاب کرام رضوان الله علیهم اقدیلر مزک بررلرینه دائما بوسوره جلیله یی اوقومه لرنده کی حکمت شمدی آکلاشیلمشدر، صانیرز. سوره جلیله نک تفسیری حقه ده فضله ایضاحات ایسته یئر صراط مستقیمک ۷۳-۷۴-۷۵-۷۶-۷۷ نومرولی نسخه لرینه مراجعت بیورملیدرلر.

شیخ محمد عبده

محمد عاکف

مدافعات دینیہ

حق و حقیقت

۱۲

(ینه دوزی) سویله یور: «محمدک الک عزیز دوستی و دین حق تحری ایلهدیکی صروده محرم اسراری بولنش واستقامتی وثابت سبحایاسی ایله عمومک مظهر اعتماد واحترامی اولمش اولان ابوبکر هان ایمان ایتدی. محمد سوکرالر» ابوبکر مستثنا، هرکس بنم رسولاه اولدیغمه ایمان ایتزدن اول آز جوق تردد ایتدی» دیردی.

ابوبکر «رض» حضرتلری قبل البعته رسول اکرم افدمن حضرتلرینک الک صمیمی بردوستی و عبادت اصنامدن مجانبتلری حسیدله حائز محبت و مودتلری اوله بیلیردی. بوخصوصه دائر کتب سیرده روایتلرده واردر. فقط بوندن طولانی دشمن ایچون طعن واعتراضه سر رشته اوله جق برجهت یوقدر. قناعت وجدانیه حاصل ایتدیکجه عقل و کیاست صاحبی اولان کیمسه ناسنه بیله تابع اولماز. بالخاصه دعوای رسالت کبی بالوجوه حائز ضراحت بولنان خصوصاتده تصدیق ومتابعیت ایچون دوستلرک نه تأثیری اوله بیلیر؟

حضرت ابوبکرک اعتراف اولنان استقامت وسائر سجایای عالیله یی متانت فکریه لرینه برهان قطعی اوله جقتدن حق عالیلرنده مدهانه، اسنادینه و ایمان خصوصنده بوتون مؤمنلره تقدم ویشوالقلمینه

بناءً تقلید توهمنه مساع یوقدر.

دین حق تحریسندهم و همراز اولق صفی ایسه هیچ بردلیل و اماره یه اقتران ایتمین قورو افسانه لرنددر. رسول افخم افدیمز حضرتلرینک دین حق تحریسندهم بولملری، حتی بوندن طولانی زمره حفا ایله مباحثه و مناظره ایتلری (دوزی) نک اختراع ایلهدیکی اسنادات باطله جمله سندن اولدینی بالاطراف ایضاح ایدلمشدر [۲] ذات رسالتپناه افدیمزک مدت عمرلرنده مطالعه و یامذا کره ایله اشتغال بیورماش اولدقلری بوتون ارباب اطلاع و ابتصارک معلومی اولان حقائق قطعیه دندر. اوت! ابوبکر حضرتلری تصدیق رسالت بابنده اصلا تردد وتلغم ایتیه رک قبول حقه مسارعت ایلهمش و حتی مظهر بیورلدقلری شو موفقیت عظمادن طولانی (صدیق) عنوان شریفی احرازله کسب امتیاز ایتش اولدقلری مسلم نامدر. فقط بو تفردلری - کتب سیر و توارینجده تسطیر اولدینی وجهله - ذات رسالتپناه افدیمز حقه اولجه ایدنش اولدقلری معلومات کافیه سایه نده کمال سهولتله حق و حقیقتی آکلامش اولملرندن منبعشدر.

توضیح حقیقت. - ابوبکر الصدیق (رض) حضرتلری - ذکر و نسلری کچن - ورق بن نوفل وزید بن عمرو کبی ارباب وقوف و عرفادن و شام و یمن سیاحتلرنده ملاقی اولدینی دهها بعض ذواتدن، بالخاصه راهب راسکواه جناب (بحیرا) ایله ملاقات نبوت وقوعبولان سفر مبارکده قافله ایله برابر بولنهرق مومالیهدن اخذ واکمال ایلهدیکی معلومات صحیحه ایله تماماً تنور ایتش و رسول اکرم حضرتلرینک احراز رسالت بیوره جقلرینه امنیت کامله حاصل ایلهمش ایدی.

رسالت جلیله احسان بیورلدینی کون ابوبکر افدیمز حضرت خدیجه نک برادر زاده سی (حکیم بن حزام) «رض» ک خانه ستنده بولنیورلردی. موما الیهک دادیسی خانه سعادتدن کله رک «عه سی» تعبیر تورکیجه خاله سی اولان خدیجه الکبرانک زوج پاکنه - حضرت موسی عدم کبی - منصب رسالت احسان بیورلدینی کندیسندن استماع ایتش اولدینی خبر ویرمسی اوزرینه مششار ایله حضرتلری درعقب قیامله طوغرو نزد رسالتپناهی یه واروب استفسار کیفیت ایتش، وقصه وحی و رسالت کندیسنه حکایه بیورلغله بلا توقف (اشهدان لاله الا الله واشهد انک رسول الله) دییه رک تصدیق واقرا ره مبادرت ایلهمش ایدی.

[حکیم بن حزام حضرتلری کثرت خیر ایله معروف اغنیای قریشدندر. فتح مکه سنه سی نائل هدایت اوله بیلیمشدر. مؤلفه قلوبدن معدود ایدی. تمام بوز یکر می سنه معمر اوله رق هجرت سنیه نک الی دردنچی سالنده مدینه منوره ده ارتحال ایتشدر.]

مناسبتلی اسماعیل حق